

Զորոյ զանճառ շնորհացն կամելով ըստ չափու մերում յայտ-
նել զմեծութիւն իբր զճաշակ մի առեալ չափեցի զանկիւնաւոր
տունս տասն ըստ թուոյ աղեացն քնարի սուրբ մարգարէին
Դաւթի, ըստ որում թէ Աստուած յօրհնութիւն նոր օրհնեցից
զքեզ, տասն աղեալ սաղմոսարանաւ սաղմոս ասացից քեզ:

ՆՈՐԻՆ ՄԻՆԱՍԱՅ ՄԵԾԱԽՈՐՀՈՒՐԴ ՎԱՐԴԱՊԵՏԻՍ ՄԵԾԻ ԳԱՆՁ
ՍՐԲՈՅՆ ԳՐԻԳՈՐԻ ՄԵՐՈՅ ԼՈՒՍԱՒՈՐՁԻՆ

Մեծապայծառ լոյսն այսօր ծագեալ
Զխաւար մեղաց մերոց փարատեալ,
Սուրբն Գրիգոր մեզ հովիւ յայտնեալ
Բազում քրտամբք զհօտս իւր տածեալ:

Խմաստութեան աղբիւր կենդանի
Առատ բղխեալ ի տանս Արամի,
Մեծն Գրիգոր ճգամբք աշխատի
Արբուցանել մեզ ջուր կենդանի:

Նոր առաքեալ արդեամբք յայտնեցաւ
Լցեալ գործովք աշխարհի ցուցաւ,
Սուրբն Գրիգոր արեամբ ճմլեցաւ
Տանս Հայոց բաժակ մատուցաւ:

Արիական հոգւոյն էր արժան
Լինիլ կցորդ խաչին տէրունեան,
Զբաժակն ըմպել կենօք անվախճան
Զոր Տէրն էարբ և էր անթնական:

Սաղմոնեան գիրն ընանի
Թէ ես ննջեմ և սիրտս յարթմնի,
Սուրբն Գրիգոր ի խոր վիրապին
Կեայր կենդանի նման մեր Փրկչին:

Գովեալ գնդին դու համանման
Տէր սուրբ Գրիգոր պետդ Պարթևեան,
Յարիին յառեր զականդ սրտուական,
Յեռեալ հոգովդ ի լոյսն անստուերական:

Էին փառացն ես յոյժ մերձաւոր
Համապայծառ լուսոյն հպաւոր,
Աննինջ ակամբ տեսող փառաւոր
Զանտեսն էից կարի սխրաւոր:

Ո՛վ Տէր Գրիգոր առաջնորդ բարի
Եւ հալածիչ չարին խաւարի,
Լուսաւորիչ հոգւոց մեր ազգի
Բարձր քարոզ Սրբոյն Սիօնի:

Բոտեալ որդիքս քո յար զուարճանամք
Բախ սրտիւ յանուն քո ցնծամք,
Մեզ միշտ օգնել աղօթեմք յուսամք
Եւ առ Աստուած զանուն քոյ կարդամք:

Քնար հոգւոյն կարի քաղցրաձայն
Աստուածային սուրբ գրոց թարգման,
Պարզ ուսուցիչ զհաւատոյն սահման
Եւ կերակրիչ զհոգիս բանական:

Իմանալի լուսոյ ծաւալիչ
Զաստուածութեան Որդւոյն քարոզիչ,
Երրորդութեան պատմաբանիչ
Միասնական բնութեան ծանուցիչ:

Գազանային հերձուածոց հերքող
Չար ազանգիցն նոցին մերժող,
Լուսոյ շաւղօք մեզ առաջնորդող
Աստուածային գրոցն պատմող:

Հայեաց ի մեզ ո՛վ հայր պատուական,
Նեղեալ որդւոցս քոց տարագրական,
Բարեխօսես՝ առ Աստուածն Բան
Այց առնել իւր հօտին բանական:

Արտասուալից աչօք կամք անկեալ
Ողորմ՝ ձայնիւ առ Տէր պաղատեալ:

Լէր մեզ միջնորդ ո՞վ հայրդ գովեալ
Առ բարեգութն յողոր անկեալ:

Տալ քաւութիւն մերոց յանցանաց
Ազատութիւն ի յայտոց չարաց,
Փրկել զանձինս յապայն փորձանաց
Դառն լծոյ չար բռնաւորաց:

Ի քեզ յուսամք ս. աստուածամայր,
Անեղ լուսոյն մաքուր տաղաւար,
Որ ես ամենայն ազանց բարերար
Յուսացողացդ ապաւէն և ճար:
Ողորմ դիմօք առ քեզ պաղատիմք
Քո առաջի ի ծունկս անկանիմք,
Ի մարմնական ցաւոց ազատել
Եւ փրկութեան հոգւոց ակն ունիմք:

Սուրբ Տիրամայր որդւոյդ քո մաղթեա
Եւ մայրական սիրով մեզ օգնեա,
Զկարգացեալքս որք աստ՝ սփոփեա
Յաւիտենից հրոյն ազատեա:

Է մայր շնորհաց անբաւին տեղի
Միշտ բարեխօս և յոյս աշխարհի,
Զյուսացեալքս մի տար փորձողի
Զի գին արեան եմք քոյդ Միածնի*:

Տեառն մերոյ և Աստուծոյ Յիսուսի Քրիստոսի, որում ընդ
Հօր և ընդ ս. Հոգւոյն փառք ուստիւ և երկրպագութիւն այժմ
և միշտ և յաւիտենից յաւիտեանս, ամէն:

*. Սկզբնատառերը կազմում են՝ «Մինաս», «Գէորգ» և «Էգնատիոս»: